

Ո Ր Ո Շ ՈՒ Մ

Ճանապարհային ոստիկանության վարչական իրավախախտման գործի վերաբերյալ
30.07.2020թ. կայացված թիվ 000000033156 որոշումն անփոփոխ, իսկ վարչական բողոքն
առանց բավարարման թողնելու մասին

<< 29 >> 09 2020թ. 7-13- 12170

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս,
վերանայելով Մնացական Մելքոնյանի ՄԴ/125185-20 դիմումի քննարկման արդյունքում
ստեղծված նյութերը՝

Պ Ա Ր Ձ Ե Ց Ի

Երևան քաղաքի Շենգավիթ վարչական շրջանի Մանթաշյան փողոցի 28Ա շենքի 38-րդ
բնակարանի բնակիչ Մնացական Մելքոնյանը դիմումով խնդրել է բեկանել Ճանապարհային
ոստիկանության վարչական իրավախախտման գործի վերաբերյալ 30.07.2020թ. կայացված
թիվ 000000033156 որոշումը՝ նշելով, որ դիմակն իջեցրել է մի պահ՝ խրոնիկ բրոնխիտի և
քթի միջնապատի թեքությամբ պայմանավորված վատ շնչառության պատճառով:
Միաժամանակ հեռախոսակապի միջոցով պնդել է դիմում նշված հանգամանքները և խնդրել
է տալ գրավոր պատասխան:

Դիմումի քննարկման արդյունքում պարզվել է, որ վարչական իրավախախտման գործի
վերաբերյալ 30.07.2020թ. կայացված թիվ 000000033156 որոշումը ենթակա է կատարման
հետևյալ պատճառաբանությամբ.

Վարչական իրավախախտումների վերաբերյալ ՀՀ օրենսգրքի 182.3-րդ հոդվածի 1.1 մասի
համաձայն՝ արտակարգ իրավիճակի հիմքով հայտարարված արտակարգ դրության
ընթացքում ազատ տեղաշարժվելու պայմանները, պահանջները խախտելը՝ առաջացնում է
տուգանքի նշանակում՝ սահմանված նվազագույն աշխատավարձի տասնապատիկի չափով:

Հայաստանի Հանրապետության ողջ տարածքում կիրառվող ժամանակավոր
սահմանափակումների վերաբերյալ պարետի 03.05.2020թ. N63 որոշման հավելված N 14-ի
<<Մարդատար-տաքսի ավտոմոբիլներով ուղևորափոխադրումներ>> բաժնի 4-րդ կետի 2-րդ
ենթակետի համաձայն՝ վարորդները պարտադիր կրում են դիմակ, որոնք փոխվում են 3 ժամը
մեկ պարբերականությամբ:

Ուսումնասիրությամբ պարզվել է, որ 30.07.2020թ. ժամը 0930-ի սահմաններում Երևան
քաղաքի Մաշտոցի պողոտայի հատվածում քաղաքացի Մնացական Մելքոնյանի վարած
<<OPEL>> մակնիշի 35PS751 հաշվառման համարանիշի ավտոմոբիլը կանգնեցվել է
Ճանապարհային ոստիկանության ՃՊԾ 1-ին սպայական գումարտակի 4-րդ սպայական
դասակի տեսուչներ, ոստիկանության ավագ լեյտենանտ Հ.Մարտիրոսյանի և
ոստիկանության կապիտան Հ.Գյորգյանի կողմից՝ Հայաստանի Հանրապետության պարետի
03.05.2020թ. N63 որոշման հավելված N 14-ի <<Մարդատար-տաքսի ավտոմոբիլներով
ուղևորափոխադրումներ>> բաժնի 4-րդ կետի 2-րդ ենթակետի պահանջի խախտման համար,
այն է՝ մարդատար-տաքսի ավտոմոբիլի վարորդը չի կրել դիմակ: Վարչական
իրավախախտումների վերաբերյալ ՀՀ օրենսգրքի 182.3-րդ հոդվածի 1.1 մասով կայացվել է
վարչական իրավախախտման գործի վերաբերյալ թիվ 000000033156 որոշումը:

Ճանապարհային ոստիկանության ծառայողների կողմից տրված պարզաբանման համաձայն՝ քաղաքացի Մնացական Մելքոնյանի կողմից կատարված իրավախախտումը հիմնավորող՝ տեխնիկական միջոցների կիրառմամբ ձեռք բերված ապացույցներ առկա չեն, սակայն իրավախախտումն եղել է անմիջապես իրենց տեսադաշտում, ակնհայտ և պարզ տեսանելի, ինչի կապակցությամբ կազմվել է համապատասխան արձանագրություն և կայացվել թիվ 000000033156 որոշումը: Միաժամանակ ոստիկանության ծառայողները հայտնել են, որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

Այսպիսով, դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 182.3-րդ հոդվածի 1.1 մասի հատկանիշները, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման գործի վերաբերյալ 30.07.2020թ. կայացված թիվ 000000033156 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Մնացական Մելքոնյանին և Ճանապարհային ոստիկանության ՃՊԾ 1-ին սպայական գումարտակ:



[Signature]
Ե.Կարապետյան